

Հետազոտական աշխատանք

Մոդուլ՝ «Զբոսաշրջության և
զբոսաշրջային ծառայությունների
ճանաչողություն»

Թեմա-«Զբոսաշրջային
ծառայություններ մատուցող
սուբյեկտներին ներկայացվող
պահանջները, պարտավորությունները և
այդ ծառայությունների տրամադրման
նլղողությունները

Դասախոս՝ Բ.Հակոբյան

Այցելություն Hrazdan Tour

տուրիստական կազմակերպություն
իրենց պատմությանը ծանոթանալու
համար

1)-Ինչպե՞ս ստեղծվեց Hrazdan Tour
տուրիստական կազմակերպությունը:Մի
փոքր կպատմե՞ք դրա մասին:

-Իհա՛րկե:Ես իմ գործունեությունը սկսել եմ
2017թ-ին,երբ Հրազդանում դեռ որպես
այդպիսին չկար <<Տուր>>
գաղափարախոսությունը:Ես սկսեցի
աշխատել արտասահմանցիների հետ:Նրանց
ներկայացվում էր կոնկրետ Հրազդանի
տեսարժան վայրերը:Իսկ հետո,արդեն որպես
տուրիստական կազմակերպություն Hrazdan
Tour-ը սկսել է գործել 2021թ-ից,-նշել է
Hrazdan Tour-ի հիմնադիր-տնօրենը:

2)-Շատ լավ,շնորհակալություն,անցնենք
հաջորդ հարցին:Արդյոք Դուք ունե՞ք

գրասենյակ:Եթե այո,ապա որտե՞ղ է գտնվում այն:

-Այո,մենք ունենք գրասենյակ:Այն գտնվում է Հրազդան քաղաքի Միկրոշրջան թաղամասում:

3)-Խնդրեմ կասեք,թե ի՞նչ է խորհրդանշում Ձեր լոգոն և ինչպե՞ս ընտրեցիք այն:

-Լոգոյի վրա պատկերված է Հրազդան քաղաքի խորհրդանիշը՝ Կենտրոն թաղամասում գտնվող խաչը:Այն բաղկացած է 4 խաչից,որոնք խորհրդանշում են Հրազդանի 4 եկեղեցիները.Մաքրավանի,Վանատուրի, Կոճոռի և Ջրառատի:Եվ լոգոյի ներքևի հատվածում պատկերված է Հայաստանի դրոշը:

4)-Բարի,հիմա՝ մյուս հարցը:Արդյոք հասանելի՞ էք օնլայն հարթակում և ունե՞ք բավականաչափ լսարան:

-Այո,անշուշտ,մենք հասանելի ենք օնլայն հարթակում,ունենք նաև պաշտոնական կայքէջ:Եվ իհարկե հասանելի ենք թե՛ Ինստագրամում(Hrazdan_tour),թե՛ Ֆեյսբուքում(Hrazdan tour),որտեղ մարդիկ ավելի ակտիվ են:

5)-Շա՛տ լավ,իսկ ինչպե՞ս եք հաճախորդին ներկայացնում Ձեր տուր-փաթեթները:

-Տուր-փաթեթները կազմվում են մեր տուրմենեջերների կողմից,իրենք են ընտրում վայրը,ուղղությունները և այլն:Այն ներկայացվում է օնլայն հարթակում,ապա փոխանցվում է զբոսավարին:

6)Շնորհակալություն,իսկ զբոսաշրջության ոլորտում անհրաժե՞շտ են հստակ հմտություններ կամ բնավորության գծեր:

- Զբոսաշրջության ոլորտում ամենակարևորն այն է,որ շատ սիրեք Ձեր երկիրը և յուրաքանչյուր զբոսավար առաջինը պետք է լինի ոչ

կոնֆլիկտային, զիջող, ինքնավստահ, ճկուն, պրոակտիվ, շփվող, ազգային դիմագծի կրող և այլն, - նշեց Hrazdan Tour-ի զբոսավարներից՝ Սոնան:

7)- Հիանալի՛, իսկ հիմա վերջին հարցը: Ինչպե՞ս եք հաղթահարում Ձեր ճանապարհին հանդիպած խոչընդոտները:

- Իրականում խոչընդոտներ կարող են հաճախ առաջանալ ու տարբեր պատճառներով: Կարող են առաջանալ մարդկային փոխհարաբերությունների ժամանակ, օրինակ, եթե խնդիրը զբոսավարի և զբոսաշրջիկի մեջ է, ինչպես նշեցի, զբոսավարը պետք է լինի ոչ կոնֆլիկտային և զիջող, որովհետև շփվում է տարբեր բնավորությամբ մարդկանց հետ: Այդ ժամանակ փորձում ենք խնդիրը մոռացության մատնել, հյուրասիրություն ենք կազմակերպում կամ պատմություններ ենք պատմում, հումորներ, լոկալ մարդկանց կենցաղից պատմություններ և այլն: Խնդիրներ

կարող են առաջանալ նաև տեխնիկական
առումով:Նման դեպքերում հիմնականում
խնդիրը լուծվում է տվյալ պահին,-
պատասխանեց Սոնան:

-Շատ բարի,շա՛տ շնորհակալ եմ
հարցազրույցին մասնակցելու
համար,մաղթում եմ Ձեզ բարի և անխափան
աշխատանքային գործունեություն,թող
հետագայում ունենաք նաև մասնաճյուղեր
Հայաստանի այլ մարզերում և քաղաքներում
ևս:

Հետազոտական աշխատանքի
իրականացնող՝ Անգելինա Տոնոյան

EXTREME TOUR

Հիմնադիր և տնօրեն՝ Երեմ Հարությունյան
Կենտրոնը՝ գ. Լեռնանիստ

1.Ինչո՞վ է պայմանավորված ձեր տուրիստական
կազմակերպության անվանումը

-Այն պայմանավորված է իմ նախասիրություններով:Էքստրիմի սիրահար եմ,դաշտում կային շատ անուններ,որոշեցի, որ Extreme-ը լավ անուն է և փորձում եմ տուրերում ներառել էքստրիմը, որ լինի անվանը համապատասխան:

2. Որտե՞ղ է գտնվում գործակալության կենտրոնը:

-Գրասենյակ որպես այդպիսին չունենք, հիմնականում աշխատում ենք ինտերնետային, զանգերով:Այսինքն՝ գրասենյակ այս պահին չկա և կարիք էլ դեռևս չունենք:

3.Ո՞վ է գրասենյակի՝ կազմակերպության հիմնադիրը և որքա՞ն ժամանակ է, որ գործում է կազմակերպությունը:

-Հիմնադիրը ես եմ՝ Երեմ Հարությունյանս, գործում է արդեն 3 տարի:Այս տարի որոշ պատճառներով դասարանական տուրերի մասով դադար ենք տվել, բայց կազմակերպությունը հիմա գործում է, բացի վերոնշյալ ծառայությունից:Կարքը գնում է represing-ի, այսինքն ավելի է նորացվում և ցանկություն կա դարձնելու ավելի լավը և

հասանելի հարթակ:Ինչ վերաբերում է ինձ՝
տուրիզմի ոլորտում եմ արդեն 6-7 տարի:

4. Ինչպիսի՞ն է տարեկան զբոսաշրջիկների վիճակագրությունը:

-Extreme tour-ը զբաղվում է միայն ներգնա
տուրիզմով և կապ չունի արտագնայի հետ:Եթե
հաշվենք տարեկան դասարանական տուրերը և
այլն, ապա գրեթե 2000 կամ ավել մարդ օգտվում է
մեր փաթեթներից:

5.Ինչպիսի՞ հմտություններ են պետք Ձեզ մոտ աշխատանքի ընդունվելու համար:

-Ամենակարևորներից մեկն այն է, որ անձը գոնե մի
փոքր տեղյակ լինի տուրիզմից:Բացի այդ սիրի
գործը,ունենա ճարպկություն:Աշխատանքային
փորձ ասվածին դեմ եմ,քանի որ անձը կարող է
չունենալ փորձ, բայց ունենա ցանկություն և արագ
սովորել ամեն բան:

6.Ինչպիսի՞ աշխատակազմ ունեք հիմա և կարիք կա՞ նոր աշխատողների:

-Այս պահին մեզ մոտ աշխատում են
զբոսավարներ, դպրոցական տուրերի համար
խաղավարներ,ինչպես նաև ունեմ օգնական,որի

հետ եմ կատարում հիմնական աշխատանքը: Այս պահին նոր աշխատողների կարիք չունենք, բայց զարնան շրջանում շատերի կարիքը ունենում ենք:

7. Ո՞ր սեզոնին է հաճախորդների մեծ քանակ գրանցվում:

- Մայիսից մինչև հունիսի կես, այսինքն՝ մոտ 1-1,5 ամիս և ձմռանը՝ հիմնականում դեկտեմբեր-հունվար ամիսներին:

8. Որո՞նք են ձեր տուրի շրջանակներում հիմնական այցելված վայրերը:

- Հիմնական այցելված վայրերը բավականին շատ են, բայց ամենատարածվածներից են Գառնին, Գեղարդը, Աշտարակի ուղղությունը, եկեղեցիներ՝ Սաղմոսավանքն ու Օհանավանքը: ՀՀ-ում չկա չայցելված ուղղություն բայց հիմնականում Կոտայքի, Արագածոտնի տուրիստական գոտիներն են, կարծում եմ:

9. Այս 3 տարիների ընթացքում եղե՞լ են բողոքներ:

- Այո, իհարկե եղել են, առանց բողոքների անհնար է աշխատել:

10. Իսկ ինչպիսի՞ն է արտերկրացի զբոսաշրջիկների վիճակագրությունը:

-Չենք զբաղվում արտերկրացի
զբոսաշրջիկներով: Ունեցել ենք փոքր խմբեր, որոնց
ընդունել ենք ձմռանը, ձմեռային զվարճանքներից
են օգտվել: Բայց հիմա միայն աշխատում ենք
հայերի հետ, իսկ արտերկրացիներին տրամադրում
եմ գործընկերներիս:

11. Ապագայում կա՞ն գրասենյակ ունենալու պլաններ:

-Այո, ունենք գրասենյակի պլաններ: Եթե երկրի
վիճակը լավանա, կփորձենք ստեղծել լավ
գրասենյակ Հրազդանի տարածքում, որպեսզի հեշտ
և հասանելի լինի մեր հրազդանցիների համար:

12. Քանի՞ տարվա լիցենզավորում ունի Ձեր կազմակերպությունը:

-Կազմակերպությունը լիցենզավորվել է անցյալ
տարի, և ամեն տարի թարմացվում է նոր օրենքով:

13. Բավարարվել են արդյո՞ք Ձեր սպասված ակնկալիքները որոնք ունեցել եք կազմակերպության սկզբում:

-Ճիշտն ասած միշտ այս խառը իրավիճակը ,
բավարար էին,բայց հիմա՝ դեռևս ոչ:

**14.Եվ վերջին հարցը, ունե՞ք ընտրված լոգո,
պաշտոնական հարթակ և այլն:**

-Այո ունենք, բայց մոտ 1-2 ամսից պատրաստ կլինի
ամբողջովին նոր կայքը՝ **Extreme tour.am**-ը, որը
կունենա նոր լոգո,կարգախոս և ամբողջ
ինֆորմացիան,որը կվերաբերի մեր տուրիստական
կազմակերպությանը:

Հետազոտական աշխատանք իրականացնող Խմբի
անդամներ՝ Վերոնիկա Դանիելյան,

Սոնա Հայրապետյան,Արևիկ Բաղդասարյան